



Agro-negósiu: Dalan ba moris di'ak

Módulu 1: Muda husi agrikultura subsisténsia ba komersiál

Introdusaun badak ba agrikultór sira



Prepara husi Joseph Freach, Mark Notaras, Jenny Ikelberg, Beatriz Antónia dos Santos ho Joaquina Guterres.

Novembru 2017.



Agrikultura komersiál katak produsaun ai-han hodi fa'an atu hetan osan



Ha'u presiza hahu hanoin sai hanesan negósiu na'in atu nune'e bele sai agrikultór komersiál susesu ida

Sé mak sai agrikultór komersiál di'ak ida?

Karakteristika husi agrikultór komersiál di'ak mak:



RISKU mosu wainhira ha'u foti desizaun ka halo asaun ruma maibé lahatene laloos nia rezultadu

Se la simu risku, dala barak liu ita la lakon, maibé mós baibain **la hetan lukru.**



Agrikultór komersiál susesu mak ema ne'ebé **halo planu antes** produsaun no foti medidas atu redús risku.



Se ha'u koko atu sai produtór, prosesór no sosa na'in, ida ne'e **sei lori tempu naruk** no ha'u la tau atensaun di'ak hodi prodús ha'u nia ai-horis sira.

Se ha'u kuda, tula, buka merkadu, no fa'an rasik ha'u-nia produdu, **ha'u bele hetan lukru** hotuhotu maibé **ha'u mós hasoru risku** hotuhotu.

Iha ekonomia merkadu modernu, PRESU ne'ebé ha'u hetan ba ha'u-nia produtu LA'ÓS estabelese husi governu.

Fatór importante haat ne'ebé hasa'e presu merkadu:

1. Kustu
2. Kompetisaun
3. Demanda
4. Fornesimentu

Antes ha'u fa'an ha'u-nia produtu, ha'u presiza **hatene kustu** ne'ebé ha'u gasta atu nune'e ha'u bele estabelese folin ne'ebé di'ak.

Ha'u tenke estabelese **presu ne'ebé aas liu duké kustu** ne'ebé ha'u gasta, maibé mós folin ne'ebé konsumidór sira bele simu.

**Se ha'u nia produktu folin aas liu duké
presu ne'ebé konsumidór sira prontu atu selu,
sira sei la sosa. Entaun ha'u labele fa'an
no EMA HOTU LAKON.**




KOMPETISAUN mak wainhira fa'an na'in seluk
kompete ho ha'u atu fa'an sira nia produtu.



DEMANDA mak kuantidade produtu
ne'ebé **ema hakarak sosa.**

FORNESIMENTU mak **kuantidade produtu**
ne'ebé iha ba ema atu sosa.

DEMANDA no FORNESIMENTU mak fatór rua importante liu ne'ebé determina folin



Folin iha merkadu lokál **depende ba kuantidade produktu** ne'ebé iha. Durante tempu kolleita folin menus liu tanba iha produktu barak.

Dalaruma, **presu globál** mak sei determina folin ne'ebé ha'u hetan ba ha'u nia produktu, tanba sasán importadu (ez. foos) mos fa'an iha rai-laran ne'e ho presu ki'ik liu.



**Husu folin ba ha'u nia produtu bazeia de'it
ba folin ne'ebé fa'an na'in sira seluk husu,
ne'e la'ós dalan di'ak ida atu hetan
susesu iha negósio.**

EKONOMIA ESKALA katak aumenta produsaun, hamenus kustu ne'ebé ha'u gasta **iha kada kilograma**.



Hodi sai agrikultór komersiál ne'ebé susesu, **ha'u lalika husu folin aas liu ba kada sasán** ne'ebé ha'u fa'an.



Presu ne'ebé boot liu la'ós sempre
presu ne'ebé di'ak liu, tanba
konsumidór bele menus.

Di'ak liu ba ha'u atu **hamenus folin** no
fa'an barak liu tanba konsumidór sosa barak liu.

MANAN KI'IK, MAIBÉ BEIBEIK.

KORRENTE VALÓR hanesan prosesu ida atu muda ha'u nia produ tu ba to'o konsumidór sira liu husi negósiu oi oin ne'ebé sosa no fa'an sasán sira.



Parte relevante sira iha korrente valór bele inklui:

- **Produtór sira** – Ne'ebé kuda/hakiak produ tu.
- **Agregadór (komersiante ki'ik) sira** – Ne'ebé sosa produ tu lokál ho kuantidade ki'ik no fa'an fali ho kuantidade boot.
- **Vendedór sasán hotu (komersiante boot) sira** – Ne'ebé sosa no fa'an fali produ tu ho kuantidade boot.
- **Prosesór sira** – Ne'ebé sosa produ tu no uza atu halo fali produ tu seluk.
- **Retalle sira** – Ne'ebé sosa produ tu ho kuantidade barak, fahe no falun, no hafoin fa'an fali.
- **Konsumidór sira** – Ne'ebé han ka uza produ tu finál.

Kada negósiu iha korrente valór depende ba malu hodi muda ha'u nia produ tu ba to'o iha konsumidór.

Korrente valór internasionál simples:



Presu sasán **labele hanesan nafatin de'it** iha korrente valór tomak tanba se karik nune'e entaun negosiante sira hanesan agregadór, prosesór no retalte ne'ebé envolve sei **la hetan lukru.**

Ema hotu iha korrente valór iha kustu ruma, inklui mós agrikultór. **Ema hotu tenke hetan lukru** atu nune'e korrente valór bele la'o di'ak.

Se negosiante ida iha korrente valór la hetan lukru, **sistema la la'o** no sasán la muda ba konsumidór sira.



Se karik ha'u **tau hamutuk** ha'u-nia produktu ho ha'u nia viziñu sira iha fatin ida de'it, ami bele **redús kustu** ba negosiante sira.

Se karik negosiante ida hetan osan di'ak, nia **sei mai beibeik ami nia fatin** hodi sosa ami nia produktu.

Osan la mai buka ha'u. Ha'u mak tenke sai no buka osan!

